

兗州府志卷首上

列聖詔旨

順治二年奉

聖旨孔廟諭號加稱大成至聖文宣先師孔子既監科考

訂僉同准如議行一應禮儀並照明朝舊例不必

更改該部知道從科臣葉鼎孝之議

順治八年奉

上諭山東水災頻乘亟須賑濟以倉穀賑窮民以學租賑

貧士

康熙二十三年奉

兗州府志 卷之首上

上諭東巡經行山東各州縣衙所丁銀曲阜縣地丁銀俱

行豁免

康熙二十五年

詔山東省本年地丁錢糧盡行豁免并令地方官勸諭紳

衿富室將地租酌量減徵嗣後蠲免錢糧之省將

蠲免之數分作十分以七分蠲免業戶以三分蠲

免佃種之民

康熙三十年

詔河南省明歲漕糧已頒諭免徵外湖廣江西浙江江蘇

安徽山東應輸漕米自康熙三十一年始以次各

蠲一年山東省例三十六年

康熙三十七年奉

上諭戶部山東濟兗青三府屬比歲不登米價騰貴保舉

賢能司官二員前往會同該撫一面賑濟一面奏

聞

康熙三十八年奉

上諭朕巡省民生風俗南至於江浙茲已返蹕行經山東

沿途見父老咨詢農事幸今歲雨暘時若二麥既

登小民可以無憂粒食但年前被災泰安等二十

七州縣生計尚未豐盈宜更加恩休養所有康熙

兗州府志 卷之首上

三十六年未完地丁銀米俱着免徵其三十七年

應徵錢糧原因災傷令三十八年完納今念一歲

之內竝輸兩歲之租物力艱難未能兼辦着分作

三年帶徵以示寬恤戶部移文該督轉飭有司明

白張示務使窮鄉僻壤均霑實惠以無負朝廷曲

軫民依至意

康熙四十二年奉

上諭朕經過泰安州新泰蒙陰沂水郯城等縣見民有饑

色並急行賑救經過地方雖經賑濟蠲免錢糧

州縣倉穀年久朽爛無裨于賑濟今着將地漕

米內用二萬石交與河道總督揀選賢能官員運至濟寧州兗州府等處州縣減價平糶有應賑之處卽行賑濟漕運總督亦將米二萬石於泰安州一路散給又將收稅差回之官七員并發在京旗民犯罪降級贖罪一百名伊等俱照養蒙古例以所用之多寡議叙着戶部會同九卿速議具奏

上諭朕膺

天眷祇承

列祖鴻庥統御萬方子育兆庶履懷至治宵旰靡寧幸際

兗州府志

卷之首上

三

每宇同風邊隅向化遐邇中外帖然衽席之安是皆仰荷

天地

祖宗福祐之所致也方朕八齡踐阼之初

太皇太后問朕何欲朕對臣無他欲惟願天下治安生民

樂業共享太平之福而已迄今五十年矣惓惓此

心未嘗一日少釋每念民爲邦本勤恤爲先政在

養民蠲租爲急數十年以來除水旱災傷例應蠲

免外其直省錢糧次第通蠲一年者屢經舉行更

有一年蠲及數省一省連蠲數年者前後蠲除之

數據戶部奏報通共會計已逾萬萬朕一無所顧

惜百姓足君孰與不足朝廷恩澤不施及百姓將

安施乎朕每歲供御所需概從儉約各項奏銷浮

冒亦漸次清釐外無師旅饋餽之煩內無工役興

作之費因以歷年節省之儲蓄爲頻歲渙解之恩

膏朕之蠲免履行而無國計不足之慮亦恃此經

畫之有素也比來省方時邁已歷七省南北人民

風俗及日用生計靡不周知而民所以未盡殷阜

者良由承平日久戶口日繁地不加增產不加益

日用不給理有必然朕洞燭此隱時深軫念爰不

兗州府志

卷之首上

四

靳敦仁用甦民力明年爲康熙五十年思再沛大

恩以及吾民原將欲天下錢糧一概蠲免因衆大

臣集議恐各處兵餉撥解之際兵民驛遞益致煩

苦細加籌畫悉以奏聞故自明年始于三年以內

通免一周俾遠近均霑德澤直隸奉天浙江福建

廣東廣西雲南貴州各巡撫及府尹所屬除漕項

錢糧外五十年應徵地畝銀共七百二十二萬六

千一百兩有奇應徵人丁銀共一百一十五萬一

千兩有奇俱着察明全免竝歷年舊欠共一百一

十八萬五千四百兩有奇亦俱着免徵其五十一

年五十二年應獨省分至期侯旨行山東省係五十二年

雍正三年奉

上諭去年山東濟南兗州東昌三府偶有水災朕心軫恤

蠲賑兼施復將本年漕米或全緩徵或緩徵一半

以紓民力今年山東雨水調勻二麥豐登民生樂

業惟是去歲被水低窪之處又經今夏之雨未必

能及時播種以獲全收查去歲緩徵之米應於今

年並徵誠恐民力艱於輸將用是再沛恩澤將去

年全緩之州縣令其于今年帶徵一半明年帶徵

半着山東巡撫轉飭各該州縣實力奉行務使

民力寬餘以副朕加惠閭閻之意又聞山東登萊

青三府連年豐稔此時商販之米自東而西者絡

繹不絕着山東巡撫酌量動用帑銀委官購買分

貯于濟南等屬米少之州縣再勸諭各商販等多

運米石至濟南三府俾民間得以收買存貯則明

歲青黃不接之時米價不至騰貴實預籌足民之

善策也爾部可即遵諭行

雍正八年奉

上諭前據總河奏報南河水溢情形知山東地方有發水

被淹之州縣已諭令該撫率同有司就近加意賑

恤茲據總督奏稱兗州府屬之滋陽曲阜寧陽泗

水澤縣金鄉魚臺濟寧汶上曹州府屬之嘉祥鉅

野濟南府屬之歷城章邱淄川長山新城齊東東

昌府屬之聊城堂邑莘縣冠縣濮州屬之范縣朝

城青州府屬之臨淄樂安沂州泰安州并州屬之

新泰萊蕪東平州并州屬之東阿東平所莒州屬

之蒙陰等處於六月二十一至二十六等日風

雨交作山水陡發河流驟長其傍山臨河處所有

窪下之地田禾室廬皆被水淹浸查雍正二年被

水仰蒙特頒諭旨將田地被淹房屋倒塌之窮民

悉加恩賜今年被水之民可否將生計蕭條不得

收穫者動用存倉穀石大口每月給穀三斗小口

每月給穀一斗五升各給兩月口糧其房屋倒塌

無力修理者於藩庫存公銀兩內每戶酌給銀一

兩五錢以為葺屋之費如蒙俞允即檄飭藩司道

府督同地方官實心辦理等語覽奏朕心深為軫

念着照該督所請轉飭司道等官仰體朕心按戶

速行散賑務令均霑恩澤其無力修理房屋者著

賞給銀兩速行修葺俾得安堵棲身勿使一夫失

所至于賞給口糧着于兩月之外增添一個月其

應免錢糧之處卽曉諭停徵着該督撫將如何蠲免之處確查定議奏聞

雍正九年奉

上諭山東地方上年遭值水患窮民乏食朕心軫念屢頒諭旨并遣大臣賜粟賜金加恩賑濟不忍使一夫不獲其所又念該省禾稼歉收則今春青黃不接之時米價必致騰貴特命截留隣省漕米三十五萬石撥運奉天米穀二十萬石減價平糶以惠濟間聞朕之為東省民食計者亦備極籌畫矣今朕細思上年濟兗東三府之被水較平時為甚目今

兗州府志

卷之首上

七

發粟平糶在糶米之家固不應價值之高昂而赤貧之民仍苦于糶買之無力且聞被水之後覓食窮民有轉徙于四方者今各省漸次咨送回籍此等民人回籍之後無以為存養之資勢必至于失業深屬可憫今朕再沛恩膏着侍郎劉於義牧可登巡撫岳濬確查實在貧民無力糶買穀石者加給兩個月口糧以恤其困苦資其耕作查濟兗東三府尚有存穀四十萬石卽將此為散賑之需倘不敷用再將截留之漕米以二十萬石平糶以十萬石增添散賑劉於義牧可登岳濬可仰體朕

心遴選賢員作速分途辦理使黎民均霑實惠並傳宣朕旨切加曉諭百姓等受朕格外之恩當乘此春和努力耕種勿因失業而作邪僻之事勿因困阨而懷怨尤之心果能祇遵朕訓則善良之風豫順之氣自能感召

天和賜以安全之福思之勉之

雍正十年奉

上諭山東兗州東昌二府春夏以來雨澤愆期民間乏食朕心深為軫念已降諭旨着該撫藩等將東省存倉米石速行賑濟平糶並令通商截漕以備接濟

兗州府志

卷之首上

八

又遴選部內候補候選人員及選拔貢生等命往協辦賑濟之事但二府地方遼濶戶口繁多若得本省人員前往更可周徧妥協朕思在京居官及赴部候補候選者兗東二府之人必多伊等既熟悉風土人情又兼桑梓情深必能實心辦事以慰民困着大學士等揀選一二十員奏聞令往山東與地方官等按戶按名查勘賑濟每人在京酌賞銀兩以為路費俾其星速起程
乾隆二年四月十八日總理事務王大臣奉
上諭今年春夏以來京師及畿輔雨澤稀少而山東地

方亦有缺雨之郡縣朕已屢降諭旨多方籌畫以爲先事之備今思節近小滿甘霖未降麥秋料已失望民心未免惶懼除已經降旨緩徵外著將直隸通省今年應徵地丁錢糧蠲免七十萬兩山東通省應徵地丁錢糧蠲免一百萬兩俾民力寬舒民氣愉暢如將來仰蒙

天祐霖雨普施秋成不致歉薄則閭閻霑朕格外之恩亦

加惠元元之誼所謂百姓足君孰與不足者也嗣

後如得雨稽遲有妨農事則應行賑恤等事仍應

加意辦理毋使一夫失所該督撫當仰體朕育旰

齊州府志

卷之首上

九

焦勞惠普黎庶之心督率有司敬謹奉行務使小

民均霑實惠並出示通行曉諭知之欽此

乾隆十年奉

上諭據巡撫喀爾吉善奏濟寧魚臺滕縣嶧縣郟城臨

清衛海豐七州縣衛偶被偏災現在查明賑濟所

需賑糧如倉貯不敷就近撥濟再不足銀穀兼賑

每穀一石照例折銀五錢等語朕思被災之地穀

價必昂災民所領穀價恐或不敷買食着于舊例

每石五錢之外再增一錢折給俾得從容購買以

示朕加惠災黎之意

乾隆十二年奉

上諭朕誦簡編心儀

先聖一言一動無不奉

聖訓爲法程御極以來覺世牖民式型至道願學之切

如見羹牆辟雍鐘鼓躬親殷薦而未登闕里之堂

觀車服禮器心甚歉焉仰惟

皇祖聖祖仁皇帝巡幸東魯親奠孔林盛典傳於奕禩

皇考世宗憲皇帝崇聖加封重新廟貌嘗遣朕弟和親王

恭代展祀未以命朕意者其或有待歟朕寅紹丕

基撫茲熙洽思以來年春五月東巡狩因溯洙泗

齊州府志

卷之首上

十

陟杏壇瞻仰官牆申景行之夙志復奉

聖母皇太后懿旨泰山靈嶽坤德資生近在魯邦宜崇報

饗朕不敢違愛遵

慈訓親奉

鑾輿秩於岱宗用答鴻貺旋蹕青齊觀風布澤以昭崇

聖法

祖教孝省方鉅典所有應行典禮大學士會同該部稽考

舊章詳悉具議以聞其應預備之各衙門查祭事

宜先期請旨至行在一切所需悉出公帑毋得指

稱供頓儲待絲毫貽累閭閻羽林衛士內府人役

等各該管大臣嚴行稽查約束並令扈從文武臣僚嚴飭備從毋或侵踏田疇致妨宿麥如有騷擾地方指名需索者立即叅奏從重治罪通行曉諭知之

乾隆十二年七月十五日奉

上諭前據山東巡撫阿里衮奏稱歷城等二十縣衛被水雹朕已諭令緩徵今據續報濟南府屬之德州陵縣德州衛泰安府屬之泰安肥城東平州東阿平陰武定府屬之青城利津霑化兗州府屬之滋陽曲阜寧陽鄒縣金鄉濟寧衛嘉祥汶上壽張並

兗州府志

卷之首上

十一

東平守禦所曹州府屬之荷澤鉅野鄆城單縣城武沂州府屬之費縣東昌府屬之博平清平高唐恩縣青州府屬之博興高苑樂安等二十四州縣衛所六月下旬大雨時行山水漲發沿山傍水窪下鄉村一時宣洩不及晚秋未免損傷等語雖屬偏災而被水窮黎深可憫惻著該撫加意撫恤所

有新舊應徵錢糧概緩徵收以紓民力查明後應行辦理之處照例作速辦理務令得所

乾隆十二年十一月二十五日奉

上諭朕尊崇

先聖仰止宮牆已降旨於來歲孟春躬謁孔林劉國東

省水潦成災雖經賑恤恐一時民氣未復若改陰秋間前往未知于民情實在若何在該地方業經動帑預備遲至秋間未免又多一番勞費踴躍幸自屬輿情但恐幸大典所期于閭閻實有裨益是以特召巡撫阿里衮來京面加諮詢或春或秋何者為便據該撫奏稱東省被災州縣俱已撫緩得所其經行道路營盤俱經預備雖春月前往春麥雖不得補種而秋田即可及時耕作以待秋成若遲至秋間則既候麥收并妨秋稼即在地秋禾

兗州府志

卷之首上

十二

亦須早獲于民間歲計未便等語看此情節則改至秋間仍不如乘春前往為宜但正月尚寒着定於二月初四日奉

皇太后鑾輿起程欽此

乾隆十三年奉

上諭山東上年被災州縣頗多雖屢加恩賑濟期災民不致失所今清蹕巡歷深用惻然損上益下厥有明訓以休以助是謂常經其再加恩將經過被災州縣無論極貧次貧于現賑外普行加賑一月其不經過處所被災七分以以上者極貧之民亦加賑

一月以示優恤該部即遵諭行

乾隆十三年奉

上諭朕巡幸山左駕幸畿南雖安營除道絲毫不以累民而閭閻望幸宜溥恩施着將直隸山東經過州縣本年錢糧蠲免十分之三該督撫各董率地方官作速查明獨資務俾小民均霑實惠欽此

乾隆十四年奉

上諭山東鄒平等二十州縣衛被水偏災而萊州府屬之平度膠州為獨重雖經降旨多方賑恤但按月計籌此時賑務將次告竣去麥秋尙遠積歉之區

兗州府志

卷之首上

三

青黃不接朕心深為屢念着將被災之平度膠州高密昌邑四州縣無論極貧次貧民概行加賑一月被災稍重之新城金鄉魚臺濟寧博興樂安六州縣極貧之戶加賑一個月仍照前例銀穀兼賑其餘災輕之處及時借糶以濟民食該撫率其督率屬員實心辦理務俾窮黎安居力作以待麥收慰朕軫恤之意欽此

乾隆十五年欽奉

恩詔內開一軍民婦人年八十以上者賞給絹二匹米一石九十以上者倍之百歲者題明給與建坊銀

兩

乾隆十六年欽奉

恩詔內開一軍民年七十以上者許一丁侍養免其雜派差役八十以上者給絹一匹棉一觔米一石肉十觔九十以上者倍之百歲者題明給與建坊銀

乾隆二十一年奉

上諭朕親詣闕里恭謁

孔林虔申祭告巡省所至行慶施惠以昭盛典所有經過州縣內男婦七十以上者該督撫查明照從前

兗州府志

卷之首上

古

恩詔之例分別賞賚用副朕引年恤老至意欽此
謹按二十二二十六二十七三十等年賞賚並同

乾隆二十一年奉

上諭朕此次祭告闕里恭謁

祖陵鑾輿所至一切供頓皆動正項絲毫不以累及閭閻

惟念安營除道雖已計丁給值終未免有資民力所有直隸山東經過地方本年應徵錢糧着加恩蠲免十分之三其有上年秋收稍歉者雖勘不成災而農民生計究屬拮据着統前蠲免十分之五該督撫其嚴飭屬員詳悉查明分別辦理勿致不

肖胥吏侵漁中飽務使小民均霑實惠欽此

乾隆二十一年奉

上諭朕躬詣山東祭告

先師孔子車駕所至既已宏敷愷澤而曲阜為駐蹕之地是以廣沛恩膏用昭盛典著將該縣乾隆丁丑年應徵地丁錢糧全行蠲免該部即遵諭行欽此

乾隆二十二年奉

上諭東省濟寧金鄉魚臺鄒縣滕嶧等被水州縣近因漳水浸漫已涸已種地畝復被淹沒業降旨先行急賑一月其未經涸出至今尙淹者本未種植向

兗州府志

卷之首上

去

例非禾苗被淹不得報災但此等災地兩年顆粒無收待哺嗷嗷情尤可憫着加恩照已種復淹地畝一體賑恤以甦民困再該處須食饑民甚眾穀價未免稍昂若照每石折給銀五錢之例恐不敷買食着再加恩每石增給銀一錢俾市糴寬裕不致拮据至濟寧衛及滋陽汶上荷澤陽穀等縣積經被水之處亦着該撫查明照例賑恤俾災黎得霑實惠副朕病瘼一體至意

乾隆二十二年奉

上諭朕此次南巡經過山東地方本年應徵地丁錢糧

着加恩蠲免十分之三上年被災處所着蠲免十分之五

二十七年同

乾隆三十年奉

上諭朕此次巡幸江浙所有經過直隸山東地方本年應徵地丁錢糧俱着加恩蠲免十分之三該督撫等務董率屬員實力奉行俾小民均霑實惠欽此

乾隆三十一年正月初二日奉

上諭朕統御萬方孜孜求治以愛育黎元為念自御極以來蠲賜所逮不下千億萬乾隆十年會恭依

皇祖普免直省錢糧恩例蠲除天下額徵正賦二千八百

兗州府志

卷之首上

去

萬有育期斯民家給人足咸臻樂利惟歲運漕米向以供給俸餉廩精之用非水旱特蠲例不普免夫八政以食為先闕闕蓋藏尤資饒裕恭閱

皇祖實錄康熙二十年

特頒恩旨將各省起運漕糧通行蠲免一週大澤均霑慶逾常格仰惟

皇祖冲齡踐祚御臨之三十年春秋未及四十朕年二十

有五始登大寶應禋受祉迄今亦閱三十年際重熙累洽之會必世昌期均符泰運其為慶幸倍深茲荷蒙

上天眷祐

列祖鴻庥函夏謐寧疆宇式闢北庭西域二萬餘里咸隸

版圖外有耕屯之獲內無餽餉之勞且連年歲穀

順成庶物豐殖京通倉貯儘有餘粟

天既誕貽樂歲惠洽昇平朕自當仰體

天心以推恩黎庶實用敬承嘉貺懋繼前讓使薄海億兆

並裕倉箱之慶所有湖廣江西浙江江蘇安徽河

南山東應輸漕米著照康熙年間之例于乾隆三

十一年為始按年分省通行蠲免一次其江寧京

口杭州荊州等處駐防地方該省漕米既蠲所有

兗州府志

卷之首上

七

佑需兵食如何預籌辦理並各該省蠲免次年應
行的辦各事宜着該部速行具奏欽此

盛朝典禮

太宗文皇帝崇德元年遣官致祭于

孔子廟以顏子曾子子思子孟子配享 五年定每年

二月八日上丁日行釋奠禮

世祖章皇帝順治二年定

文廟諡號稱為

大成至聖文宣先師孔子二月上丁致祭遣大臣一員

行禮翰林院官二員分獻國子監堂官祭

啓聖公於後殿是後每年二月八月上丁日致祭如週
有事

故次丁日 以下賢先儒配祀從祀通行府州縣衛
或下丁日 各學一體遵行其遣官事宜禮部題請今由太
常寺

賜聖公孔允三臺銀印

諭聖門典例期于優渥廟戶專供酒掃三氏佃戶專供祭

祀有司一應雜差不許攀役 八年四月遣都察

院副都御史劉昌詣闕里祭告

御製祭文恭錄於後 九年九月二十一日

世祖章皇帝視學釋奠於

孔子先期遣行人司行人王天眷召取衍聖公孔興燾

兗州府志 卷之首上 六

及孔顏曾孟仲五博士并族人赴京陪祀觀禮十

月二十日

詔以陪祀生員孔尙等十五人入監讀書陪祀京官孔

允繼孔自等改轉禮兵二部 十三年

欽頒國子監文廟大成樂章 十四年議改諡號為

至聖先師孔子通行直省各學

聖祖仁皇帝康熙七年四月遣光祿寺正卿楊永寧詣闕

里祭告祭文同順 八年四月十五日

聖祖仁皇帝視學釋奠於 孔子先期遣官取衍聖公孔毓沂及孔顏曾孟仲五經

博士并族人赴京陪祀觀禮八月十五日

詔以陪祀生員孔典詢等十五人入監讀書以陪祀京官

顏光敏等各加陞錄有差 十五年二月遣宗人

府丞馬汝驥詣闕里祭告 二十一年遣都察

院右副都御史宋文運詣闕里祭告 二十三年

秋九月

聖祖仁皇帝東巡岱宗遂幸江南十一月還至魯

躬詣闕里致祭

孔子御詩禮堂講書即日幸孔林詣

先師墓前行三酌禮謹按

兗州府志

卷之首上

九

幸魯盛典紀載是年秋九月丁亥

聖祖車駕發自京師衍聖公孔毓圻率五經博士孔毓堃

等迎

駕至齊河恭請

聖安

諭衍聖公孔毓圻

歸待於境孔毓圻等遵

旨辭歸

遣太常寺丞張量馨鴻臚寺鳴贊鉛布齋香帛至闕里飭

執事有司演習禮樂并攜國學所用樂舞袍服以

往十月初七日巳亥張量馨等至闕里十一月十

二日癸酉

乘輿自南還十六日丁五

駕至費縣

諭內閣等衙門曰闕里係聖人之地秉禮之鄉朕幸魯地

致祭

先師特闡揚文教鼓舞儒學祀典告成講明經書文義

窮究心源符合大典應行事宜內閣各部院等衙

門會同議奏上乃

遣翰林院掌院學士常書侍讀學士朱瑪泰至曲阜同行

聖公孔毓圻于孔氏子弟內選舉講書二人令撰

兗州府志

卷之首上

十

欠應講經書講義進呈孔毓圻舉監生孔尙任舉

人孔尙鉉應

詔講書

聖祖自費縣至泗水東境經泉林寺

駐蹕觀泉久之乃行

御製泉林記恭錄於後十七日戊寅

幸曲阜衍聖公孔毓圻率博士孔毓堃等諸職官及其族

人五氏子孫年十六以上山東巡撫張率司

道以下及本處守令屬員登州總兵官林宗率沂

州協守都督僉事霍維翰等千東郊跪迎士庶觀

者以數萬計

聖祖駕至城南

行宮

駐蹕是日夜始分禮部太常寺鴻臚寺官會集廟庭庀

其執事比其位次申戒所司省牲幣祗滌濯陳設

祭器祭品展樂懸整舞列張

御幄寗

講筵于詩禮堂令進講者肄習進講儀節其執事官贊

引內閣學士席

爾達

對引太常寺卿葛思泰典儀

太常寺讀祝官張達唱樂太常寺贊禮郎法山讀

克州府志

卷之首上

三

祝文鴻臚寺少卿和西奉

御拜褥太常寺贊禮郎沙拜獻

孔子位帛太常寺典簿穆察獻爵太常寺贊禮郎韓布

顏子位分獻內閣學士麻爾圖導引太常寺寺丞

張量獻帛欽天監博士三保獻爵聖廟司樂王

國光曾子位分獻翰林院學士常青導引太常寺

贊禮郎華善獻帛國子監助教費揚志獻爵聖廟

典籍石果子思子位分獻都察院副都御史孫果

導引太常寺贊禮郎常祿獻帛禮部員外郎郭世

獻爵四氏學教授沙滿孟子位分獻翰林院學

士孫在豐導引太常寺七品筆帖式察爾獻帛

國子監助教黑雅圖獻爵聖廟管勾王自莊東哲

閔子等五位分獻內閣侍讀學士徐廷導引太

常寺七品筆帖式金泰獻帛禮部七品筆帖式朱

獻爵禮部郎中觀音保西哲閔子等五位分獻

翰林院侍讀學士朱瑪導引太常寺七品筆帖

式羅奇獻帛禮部七品筆帖式佛保獻爵欽天監

筆帖式李問東廡位分獻太僕寺少卿楊舒導引

太常寺八品筆帖式碩塞獻帛候選縣丞王自泰

獻爵候選州同桂枝茂西廡位分獻欽天監正安

克州府志

卷之首上

三

泰導引禮部員外郎哈爾吉布獻帛候選縣丞星

承祿獻爵曲阜監生張弘新捧舉饌盤數帛禮部

八品筆帖式雅爾布盥洗贊禮生趙承李榮先

陳設

大成至聖先師位前其器讀祝案一筐一爵並站三登

一銅二簋二盃二邊十豆十俎三壘一虛罇三案

一因其故又罇并案一香爐燭臺并几案二重其

品帛一端檀香一盒大燭二對小燭四對酒三罇

牛一羊一豕一大羹一登和羹二銅黍飯一簋後

飯一簋稻飯一簋梁飯一簋棨一邊麥一邊芡一

鹿脯一邊魚一邊棗一邊栗一
白餅一邊黑餅一邊韭菹一豆芹菹一豆菁菹一
豆笋菹一豆醯醢一豆鹿醢一豆兔醢一豆魚醢
一豆豚胙一豆脾析一豆

復聖顏子宗聖曾子述聖子思子亞聖孟子位前其
器篚一爵并坩三銅二簠二簋二邊八豆八俎三
香爐并几一燭臺大小八東西罇并案各一其帛
帛一端檀香一盒燭二酒東西各一罇羊一豕一
和羹二釧黍飯一簋稷飯一簋稻飯一簋梁飯一
簋榛一邊菱一邊芡一邊棗一邊栗一邊鹿脯一

兗州府志

卷之八首上

三

邊形鹽一邊棗魚一邊韭菹一豆菁菹一豆笋菹
一豆醯醢一豆鹿醢一豆兔醢一豆魚醢一豆芹
菹一豆各四壇

東哲先賢位五同一壇其器同篚一獻爵并坩三香
罇并几一大燭臺二罇并案一各銅一簠二邊四
豆四牲盤一各小燭臺二香罇一其品同帛一端
大燭二檀香一盒酒一罇黍飯稷飯各一簋各棗
一邊栗一邊各鹿脯一邊形鹽一邊各菁菹一豆
芹菹一豆各鹿醢一豆兔醢一豆各豕肉一盤小
燭一對

西哲先賢位五其器其品如之

東廡先賢先儒位四十七同一壇二位為一筵其器
同篚一獻爵三香盒一大香爐一大燭臺二罇並
案一罇并案一各供爵一牲盤一筵各簠二邊四
豆四小燭臺一香罇一其品同帛一端酒一罇檀
香一盒大燭一對筵各黍飯一簋稷飯一簋栗一
邊棗一邊鹿脯一邊形鹽一邊菁菹一豆芹菹一
豆鹿醢一豆兔醢一豆各豕肉一盤小燭一對
西廡先賢先儒位四十八同一壇二位為一筵其器
其品亦如之

兗州府志

卷之首上

三

啟聖公位其器篚一爵并坩三銅二簠二簋二邊十豆
十俎二香盒一香罇并几一燭臺大小六罇罇并
案各一其品帛一端檀香一盒酒一罇燭大小各
一對羊一豕一和羹二釧黍一簋稷一簋稻一簋
梁一簋榛一邊菱一邊芡一邊棗一邊栗一邊鹿
脯一邊棗魚一邊形鹽一邊白餅一邊黑餅一邊
菁菹一豆韭菹一豆芹菹一豆笋菹一豆醯醢一
豆鹿醢一豆魚醢一豆兔醢一豆豚胙一豆脾析
一豆

啟聖東配先賢位二位為一壇其器同篚一獻爵并坩

三罇并案一香醴并几一大燭臺香盒一各供爵
并站一劔二簋二邊四豆四牲盤一小燭臺二其
品同帛一端酒一罇檀香一盒大燭二各和羹一
劔黍一簋稷一簋粟一邊棗一邊鹿脯一邊形鹽
一邊菁道一豆芹道一豆鹿醢一豆兕醢一豆豕
肉一盤小燭一對

敬聖西配先賢位二位爲一壇其器其品如之

敬聖東西從祀先儒位二位爲一壇其器其品亦如之

凡

先師位獻爵三羹次之大羹居中和羹居其左右黍稷

兗州府志

卷之首上

五

次之黍左稷右稻梁次之稻左梁右邊之實居左

形鹽稟魚棗栗一行榛麥茨鹿脯一行白餅黑餅

一行豆之實居右韭道醢醢菁道鹿醢一行芹道

兕醢笋道魚醢一行脾析豚胎一行香燭在其前

幣奠於篚在香燭之前太牢又在其前牛居中羊

左豕右牛解五體羊豕全體大香醴又在其前左

右大燭讀祝案又在燭之左

四配位減大羹一劔白餅黑餅二邊脾析豚胎二豆

少牢在其前羊左豕右饌盤在其右香燭在其前

東西各重設小几置香燭奠幣于其上

十哲位各供爵前列和羹一劔次之黍稷次之黍左
稷右豕肉次之當其中邊之實形鹽栗在黍之左
棗鹿脯在豕肉之左豆之實菁道芹道在稷之右
鹿醢兕醢在豕肉之右香燭在其前壇同豕首一
當五位之中重設几奠幣獻爵置香燭饌盤在帛
之右

兩廡位各供爵前列筵同黍左稷右次之形鹽栗在

黍之左少次之棗鹿脯又次之菁道芹道在稷之

右少次之鹿醢兕醢又次之豕肉二又次之各于

其筵供香燭東西壇同豕首四各重設一几奠帛

兗州府志

卷之首上

五

獻爵置香燭饌盤在帛之左右

啓聖位視廟祭去大羹用少牢其行列同

敬聖四配位視十哲亦東西各豕首一從祀位視四配

減豕首其行列同

凡酒罇五三在殿之東南隅二在殿之西南隅獻

先師酌東第一罇獻東配酌東第二罇獻西配酌西第

一罇獻東哲酌東第三罇獻西哲酌西第二罇張

樂于露臺之上楹鼓在東南隅編鐘在東偏之南

編磬在西偏之南簾東西各三次面北風簾塤篪

東西各一次面北洞簫東西各三次面北瑟東西

各二次面北琴東西各三次面北祝在東北敵在西北田鼓東西各一在其北東西面麾旛在祝之北西面節一東西導引進止文舞籥翟三十六舞列在中道之東西退則立于樂懸之東西樂懸既正俾樂二各執其器麾旛一人節二人田鼓二人祝敵二人瑟四人琴六人洞簫六人鳳簫填篪六人蓬六人笙歌十二人編鐘磬二人楹鼓一人十八日巳卯昧爽禮部乃至

行宮奏請

聖祖請

兗州府志

卷之首上

毛

先師廟行禮

聖祖御輦設鹵簿文武從官不陪祀者皆補服於

行宮前跪送

駕由曲阜南門入陪祀官皆跪迎於櫺星門外

駕由櫺星門入大中門至同文門於奎文閣前降輦詣齋

宿所

御幄內少憇贊引官內閣學士席爾達對引官太常寺

卿易恩泰奉引

聖祖由奎文閣下步入大成門廻由甬道中行至大成殿

各官由東金聲門西玉振門趨而入俟于西階之

下諸文臣班在昨階下諸武臣班在西階下各以序立候隨班行禮

聖祖升大成殿贊引官對引官引

駕至拜褥前站立典儀官唱樂舞生就位執事官各司其事

事唱畢贊引官贊就位

聖祖就拜褥上站立典儀官唱迎神唱樂官唱迎神樂奏

咸和之曲即宋大晟府樂章今改咸平之曲唱畢樂作無舞贊引

官贊跪叩興

聖祖及王以下四配十哲兩廡分獻陪祀各官俱行三跪

九叩頭禮立典儀官唱奠帛爵行初獻禮捧帛爵

兗州府志

卷之首上

天

官就前在

聖祖右邊站立唱樂官唱初獻樂奏寧和之曲唱畢樂作

有舞捧帛官以帛捧舉跪贊引官贊獻帛

聖祖立接拱舉授捧帛官跪接捧舉至

先師位前奠畢行一跪三叩頭禮退捧帛官以爵捧舉

跪贊引官贊獻爵

聖祖立接拱舉授捧爵官捧爵官跪接捧舉至

先師位前立獻畢退讀祝官至安祝文桌前行一跪三

叩頭禮將祝文捧起樂止贊引官贊跪

聖祖及王以下分獻陪祀各官讀祝官樂舞生俱跪贊引

官贊讀祝讀祝官讀

御製祝文 恭錄于後 讀畢立將祝文捧至

先師位前安于盛帛盒內行一跪三叩頭禮退樂舞生立奏樂贊引官贊叩興

聖祖及王以下分獻陪祀各官俱行一跪三叩頭禮立四

配十哲兩廡分獻官各依序引至各位前站立捧

帛爵官跪遞分獻官分獻官立接捧舉獻畢各復

位樂舉典儀官唱行亞獻禮捧爵官就前在

聖祖右邊立唱樂官唱亞獻樂奏安和之曲唱畢樂作有

舞捧爵官以爵捧舉跪贊引官贊獻爵

聖祖立接拱舉授捧爵官捧爵官跪接捧舉至

先師位前立獻于左畢退分獻官照初獻禮獻畢退樂

舉典儀官唱行終獻禮捧爵官就前在

聖祖左邊立唱樂官唱終獻樂奏景和之曲唱畢樂作有

舞捧爵官以爵捧舉跪贊引官贊獻爵

聖祖立接拱舉授捧爵官捧爵官跪接捧舉至

先師位前立獻于右畢退分獻官照亞獻禮獻畢退奏

樂舉樂舞生執旌節引退至兩楹站立典儀官唱

徹饌唱樂官唱徹饌樂奏威和之曲唱畢樂作無

舞樂舉典儀官唱送神唱樂官唱送神樂奏威和

之曲唱畢樂作無舞贊引官贊跪叩興

聖祖及王以下分獻陪祀官俱行三跪九叩頭禮立樂畢

典儀官唱捧祝帛各恭詣燎位唱畢捧祝帛官至

前行一跪三叩頭禮將祝帛捧舉出中門詣燎位

聖祖向左邊站立俟祝帛過畢

聖祖就位站立焚帛贊引官贊禮畢

聖祖退詣齋宿所凡陪祀親王拜于殿門之外分獻官拜

于杏壇之下獻帛爵乃登殿廡已獻還拜于下文

武官各拜于其班次

遣國子監祭酒阿禮琳祭

聖聖公祠照應行儀注行禮

御製祝文 恭錄于後 禮部官奏請

聖祖御講筵

聖祖由奎文閣東入承聖門步升詩禮堂

御幄升座鴻臚寺卿穆成格少卿何引大學士明珠

熙等官十二員于左翼排立衍聖公孔引鈞

林院世襲五經博士孔等及講書舉人孔

欽監生孔等官四十六員于右翼排立班既

定

詔以兗州府知府張為官清正傳入聽講鴻臚寺鳴

兗州府志 卷之首上

无

兗州府志 卷之首上

无

贊唱贊衍聖公孔新折率五氏職員等行三跪九

叩頭禮畢鳴贊唱講書孔尚任孔尚鉉由西階上

行一跪三叩頭禮于講案西偏立孔尚任先至講

案前北面對

御陳書進講大學聖經首節畢退孔尚鉉進講易經繫辭

首節畢退下階歸右翼班次鴻臚寺官奏請宣

勅諭衍聖公孔新折率五氏有職及講書人員俱跪大學

士王熙宣

聖諭諭衍聖公孔新折等曰

至聖之道與日月並行與天地同運萬世帝王咸所師

兗州府志 卷之首上 三

法下逮公卿士庶罔不率由爾等遠承聖澤世守

家傳務期型仁講讓履中蹈和存忠恕以立心敦

孝弟以修行斯須弗去以奉先訓以稱朕懷爾等

其祇遵毋替特諭衍聖公孔新折率五氏子孫叩

頭謝 恩鴻臚寺官引各官出俟于東毓粹門外候送

駕禮部官奏禮畢請

駕還行宮

聖祖諭朕初至闕里祀典既成意欲徧覽

先聖遺蹟着衍聖公孔新折山東巡撫張口北道

孔興洪講書官孔尚任孔尚鉉引

駕於是

駕由承聖門出復入大成門登大成殿詣

先師神座前

命侍衛啓幃拂塵肅瞻塑像

顧問衍聖公孔新折曰此像造于何年新折奏曰相傳

東魏興和三年兗州刺史李瑛始塑聖像以次

觀顏子曾子子思子孟子像

觀禮器有犧象雲雷三罇

問何代法物新折奏曰漢章帝元和二年親祀闕里所

兗州府志 卷之首上 三 留祭器

觀石刻吳道子畫魯司寇像出殿北屏過寢廟至聖蹟

殿周覽圖書石刻及憑几像行教小影立像行像

諸石刻

顧問衍聖公孔新折曰何像最真新折奏曰惟行教小

影顏子從行者為最真乃當年端木賜傳寫晉顧

凱之重摹者

聖祖為拂拭疑視遂由左階出

聖祖問西偏是何處新折奏曰前為金絲堂後為

啓聖公叔梁父祠

聖祖欽容駐紮久之復南入大成殿北扉至殿前左扉南

向立

召孔氏及五氏子孫有頂帶者皆入跪階上

諭曰至聖之德與天地日月同其高明廣大無可指稱朕

向來研求經義體思至道欲加贊頌莫能名言特

書萬世師表四字懸額殿中非云闡揚

聖教亦以垂示將來隨

命侍衛捧出卷軸展開

御書萬世師表四字衍聖公孔廟所跪接捧安神座前復

命大學士明疎宣

齊州府志 卷之首上 聖
諭曰歷代帝王致祀闕里或留金銀器皿朕今親詣行禮

務極尊崇

至聖異於前代所有曲柄黃蓋留之廟中以示朕尊

聖之意

論畢

命以御前常用黃繖留供廟庭四時饗祀陳之五經博士

孔廟所起接恭置殿中衍聖公孔廟所率五氏職

官及陪祀聽講人等皆叩頭謝羣臣皆呼

萬歲

聖祖出殿至階上

問大成殿榜廟所奏曰此榜宋徽宗御書飛白字也復

撫視盤螭石柱移時始下階至杏壇廟所奏曰此

先聖講道之所

覽金党懷英篆杏壇二字碑步下杏壇玩壇前石鐫龍

爐廟所奏曰此金章宗時巧工所製

覽宋臣米芾所書檜樹贊碑文宋真宗君臣所製孔子

七十二弟子贊

聖祖前至大成門左觀

先師手植檜

問此樹未朽何以無枝廟所奏曰自故明宏治十二年

齊州府志 卷之首上 聖

廟殿于火御贊殿大成門俱被焚檜在門殿之間

經火枝葉盡脫孤幹獨存今又二百年矣不枯不

榮其堅如鐵色亦如之俗呼為鐵樹

聖祖命侍衛入欄撫摩良久稱其神異

御製闕里古檜賦並古檜詩恭錄于後

駕出大成門

問漢碑所在廟所奏曰漢碑在奎文閣前因引

駕過唐碑亭觀乾封碑廟所奏曰此閣乃藏歷代書籍之

所